

ԳԼՈՒԽ ԻԹ.

1 Յաղագս Յուսկան՝ որ էր ի զաւակէ Աղբիանոս եպիսկոպոսի, զոր կացոյց փոխանակ Ներսիսի թագաւորն Պապ յիւրոց կամաց՝ առանց մեծ եպիսկոպոսապետին Կեսարու. եւ վասն այսորիկ բարձաւ իշխանութիւն հայրապետացն Յայոց զեպիսկոպոսն ձեռնադրել:

2 Եղև յետ մահուանն հայրապետին Ներսեսի կացոյց թագաւորն Պապ զՅուսիկ եպիսկոպոս, որ էր ի զաւակէ Աղբիանոս եպիսկոպոսին Մանագկերտոյ: 3 Ետ հրաման ունել նմա զտեղի հայրապետին<sup>1</sup>, իշխել փոխանակ Նորա՝ զոր սպան. եւ էր նա փոխանակ Նորա: 4 Բայց լուաւ եպիսկոպոսապետն Կեսարու՝ թէ սպանին զմեծ հայրապետն Ներսես, եւ փոխանակ Նորա տեղի Նորուն զոր կացուցին զՅուսիկ՝ առանց Նորա հրամանի եղեալ, զի ոչ որպէս սովոր էին առ հայրապետն տանել ի Կեսարիա ի ձեռնադրութիւնն:

5 Եւ իրքս այս մեծ զարմանալով<sup>2</sup> ցասման եղեալ հայրապետին Կեսարու վասն բանիս այսորիկ, եւ եղև ժողով եպիսկոպոսացն սիւնիհողոսին Նահանգին Կեսարու առանց հայրապետին. եւ զրեցին թուղթ ցասմամբ մեծապէս: 6 Եւ Նոյնպէս եւ զրեցին թուղթ առ թագաւորն Պապ, եւ լուծին զիշխանութիւնն կաթողիկոսութեանն. զի որ լիցին հայրապետ Յայոց, նա դրանն արքունի իշխեսցէ<sup>3</sup> զհացն աւրինել. եւ մի՛ իշխեսցէ ձեռնադրել զեպիսկոպոսն Յայոց, որպէս սովորութիւն էր ի բնէ: 7 Եւ յայնմ հետէ բարձաւ իշխանութիւնն Յայոց զեպիսկոպոսն ձեռնադրել. այլ որ լինէին եպիսկոպոսք ամենայն զաւառաց զաւառաց Յայոց եւ կողմանց կողմանց, այնուհետեւ յայնմ հետէ որ միանգամ լինէին եպիսկոպոսք սահմանացն Յայոց, երթային ի քաղաքն կեսարացոց, եւ անդ լինէին եպիսկոպոսք: 8 Վասն զի յայնմ հետէ բարձաւ իշխանութիւնն յերկրէն Յայոց, այնուհետեւ ոչ իշխէին եպիսկոպոսք ձեռնադրել. բայց որ լինէր աւագ եպիսկոպոսացն, ի վերոյ միայն Նստեր, եւ հաց աւրինէր թագաւորացն: 9 Եւ սա քրիստոնէայ, բայց համարձակութեամբ յանդիմանութեամբ ինչ ընդ ումեք չիշխէր բարբառել. կամ զի երկնչոտ էր եւ հաւան, եւ ըստ կամաց թագաւորին միայն ունէր զպատիւն, եւ կայր ի լռութեան եւ ի հանդարտութեան զամենայն աւուրս կենաց իւրոց:

1 Օրինակ մի՝ հայրապետացն

2 Օրինակ մի՝ զայրանալով

3 Օրինակ մի՝ լիցի